

Chhuah tan : October 1984

RAMTHAR

JULY



2025



KARO BIAK IN

He Biak In hi kumina Joint Pastorate Meeting (JPM) inkhâwmpuina hmun tùr, sak zawh hlim a ni. Presbytery a la din loh avàngin JPM hi Pastor Bial hrang hrang khai khâwmna a ni.

TATO PASTOR BIAL, ARUNACHAL NORTH

(Phêk 3-7)

SERMON

Krista khen beh thu kan hril thìn

Phêk

9 - 13

KUM 41-NA

JULY 2025

BU 473

RAMTHAR ASSOCIATION CHANCHIN BU THLA KIP CHHUAK

EDITORIAL BOARD 2025 - 2027

Editor

Rev. Dr. C. Chawngmngliana

Joint Editors

Upa Lal̄thahluna Ralte

T. Upa T. Lal̄chhuangliana

News Editor

Pi Ruth Lal̄hmangaihi

Circulation Manager

Pu Lallawmnakima Hmar

Publisher

Rev. R. Lal̄hmingsanga

Member-te

Rev. R.C. Lal̄nghakliana

Synod Moderator

Upa Vanlalsawma Siakèng

Synod Secretary (Sr.)

Rev. Dr. Rosiamliana Tochhawng

Executive Secy., i/c Mission

Upa C. Lalmalsawma

BEC Member

Upa S. Lalthanga

BEC Member

SYNOD MISSION BOARD HOTUTE

Rev. Dr. Rosiamliana Tochhawng

Executive Secretary

Rev. R. Lal̄hmingsanga

Secretary

Upa Lal̄thahluna Ralte

Coordinator

Ramthar lâk chungchângah leh thu chhuah chungchângah
hêngahle hian biak pawh theih kan ni e:

Mobile No: 8974694225 (WhatsApp/Telegram)

Email: ramtharchanchinbu@gmail.com

KUM KHAT LÂK MAN - ₹ 60/-

A CHHÛNGA THU AWMTE

1. Editor thukhawchâng	1
2. Keimahni	2
3. Field chanchin thar - Arunachal North Field	3-7
4. Sermon	8-10
5. BUH HMUN AṬANGIN:	11-24
(1) Parva I rawngbàwl̄na chanchin	
(2) Cambodia zin chanchin	
6. Râl r̄el thiam	25-27
7. Ramthar Feh	28-30
8. SMB Project List 2025 chhângtute	31-32



CHHEL TAKIN I TLÂN ZÊL ANG U



Hebrai 12:1,2-ah chuan, “*Chutichuan, chhâmpui nasa tak ang thlirtuten min hual vêl avàng hian, min tihnawk apiang leh sual keimahnia bet tlat chu i dah ve ang u; tin, Isua, kan rinna siamtu leh tifamkimtu lam chu enin, kan hmaa intlânsiakna tur awmah hian chhel takin i tlân zêl ang u,*” tih kan hmu a.

Tûnlai khawvêl hi intlânsiakna khawvêl a ni a. Sakhuaana ngaihsak lo léka khawvêl thil, ei leh bàr, sum leh pai, finna leh thiamna ûma indaikhalth tumna khawvêl, mahni hmasialna, mi dang pawisak lohna khawvêl a ni. Keini ringtute hi engtin nge kan tlân ve ang? Kan rin Isua vuan tlat chung leh en tlat chung a kan tlân a ngai a ni. Ei leh bàr zawnaah te, hna hrang hrang ka thawhna leh rawngbàwlina hmunah te Isua kan en reng a ngai a; khawvêl mite tih anga dik lo leh fel lo taka tih ve a rem lo va; Pathian hriatpui tlâka ei leh bàr kan zawna, rual kan el a ngai a ni.

Mi an sâng zêl a, kut tling lova titute chu an nihlawh zâwk ta emaw tih tùrin an sâng thúr thúr a, kan awt ìhìn; kan rinna vawng him tùrin chhel a ngai ìhìn ngawt mai. Kohhran mî leh sâ zingah ngei pawh, inkhâwm thlahdah, kohhran ngaihsak lo leh rawngbàwlina kawnga ti tak tak lo leh a ti tak takte sawisèl ching an tam ta a; ti tak zet tùr chuan chhel a ngai lehzual ta hle mai.

Eng pawh ni se, chung lam vàn mipuite hian min thlir reng a ni tih hre thar leh ìhìn ila; khawvêl thila inham buai ve mai lovin, engkimah Pathian ráwn chungin, a duh dàn ang takin chhel takin i tlân zêl ang u.



KEIMAHNI† **TUARPUINA:**

(1) Upa K. Lalromawia (66), Sihfa, Pi K. Lalduhawmi, Evangelist Teacher, Bungtlang South (Home Mission South) pa chu ni 19.5.2025 khán *accident* vângin a thi.

(2) Pi Lalroliani (67), Zemabawk, Pi Laltlanpuii Sailo Evangelist Teacher, Tuidu (Tripura Mission Field) nu chu ni 21.5.2025 khán *stroke* avângin a thi.

(3) Rev. Lalhmingthanga (91), Cachar Kahrawt, Pu C. Lalremruata, Headmaster, Karimganj (Barak Area) pa chu ni 31.5.2025 khán awmlaiin a thi.

(4) Pi Khawchhiari (82), Biate, Pi K. Saithangpuii, Evangelist Teacher, Karbook (Tripura Mission Field) nu chu ni 1.6.2025 khán mît *cancer* vângin a thi.

(5) Pi Ngunzingi (K-62), ITI Vêng, Pi Lalrindiki, Evangelist Teacher, Bungtlang South (Home Mission South) chu ni 5.6.2025 khán pum ná vângin a thi.

(6) Pu R. Sangvunga (88), Sialsuk, Pi R. Vanlalruati, Office Assistant, Presbyterian Hindi Bible School (Masihi Sangati Kendra) pa chu ni 6.6.2025 khán *cancer* vângin a thi.

(7) Pi Laldingliani (67), Diphu, NI, Judy R. Lalsangliani, Evangelist Teacher, Diphu (Karbi Anglong Mission Field) nu chu ni 15.6.2025 khán *cancer* vângin a thi.

Ramthar Editorial Board-in lusún chhúngte a tuarpui tak zet a ni. Pathianin awmpuiin thlamuan rawh se.

† **RAMTHAR EDITOR TAWNGTĀIPUI ILA:** Kan Editor, Rev. Dr. C. Chawngmingliana hi Thin Cancer vângin enkawl mék a ni a, a lo dam thuai theih nán i tawngtāipui ang u.

† **HOME MISSION & CACHAR TLANGRAM MISSIONARY RETREAT HMANG ZO:** Ni 22-24 May, 2025 chhúng khán Home Mission & Cachar Tlangram Missionary Retreat chu Dawrpui Vengthar Kohhranah tuang taka neih a ni a. Missionary-te leh an chhúngte mi 1,292 an kal. Chanvo neituten t̄ha takin hun an hmang thei a. Tin, Dawrpui Vengthar Kohhran inpêkna a ropui hle.

FIELD CHANCHIN THAR
ARUNACHAL & ASSAM MISSION FIELD NORTH
(Abor rama Chanchin Tha hril hna)

Rev. Rolungmuana Zadeng
Field Secretary, AAMFN
Mobile No: 8974136790



Kan pi leh pu ten ‘Abor ram’ an lo tih, India rama ni chhuak dawng hmasa bertu, Arunachal mite hi an hmél lan dànah Mizote nèn inang tak an ni a, khawlaiah pawh hriat chian sâ loh chu Mizo nge a ram mi hriat hran kan har hle. Ei leh inah pawh Mizote duh zâwng a tam hle a; ñawng erawh chu a inang lo hle. Chanchin Thain an ram a chhun êng zêl a. Kum 2011 chhiarpuiaah phei chuan Kristiante tam lam chu 30.26 % lai ni tawhin, sakhaw mal lâkah chuan a tam ber an lo ni ta a. Tûn dinhmunah phei chuan 40 % lai ni ngei tawh tùrah ngaih a ni.

Field bul ñanna: Arunachal hian Chanchin Tha an dawng hma hle nâ a, Kristianna a ñang duang lo hle. Kum 1960 chho añangin an lo pung chak ta deuh va. Chanchin Tha ñlña avàngin 1991-ah SMB chuan Lakla-ah Mission Field a hawng ve ta a. Kum 2001-ah Arunachal & Assam Mission Field (West) chu hawn a ni leh a; tichuan, rawngbâwlña hmasâwn zêl avàngin kum 2016, March Ni 11-ah Arunachal & Assam Mission Field (North) chu, ‘*Setana Bill*’ an tih, Kristiante dodâlña tùr ‘*Bill*’, kum 1978-a an lo *pass*-na hmun, Aalo khawpuiaah hawn a lo ni ta a ni. Pathian khawngaihna leh kohhranhote ñahnemngaihna avàngin kan *field* hian hma a sâwn ve zêl a. Harsatna tam tak kárah pawh rah duhawm tak tak a chhuah zêl a, a làwmawm tak zet a ni.

Field chhúng dinhmun: Kan rawngbâwlña Field hi

a ram zau zawnghaw pawh Mizoram tia zet a ni a; Arunachal chhúnga *district* panga-ah rawng kan bawl a. Kawngpui tha tak takin a pal tlang leh awlsam taka inkal pawh zung zung theih a awm laiin, hmun tam tak erawh chu tlang kár leh ruam thuk tak takin a kárdan hmun te, vúr tlákna ram leh luipui phai te an ni a; inkal pawhna harsa tak tak, ke-a dárkár hnih dárkár thum kal ngaihna a la tam hle a. Kan missionary nulate khaw kár kawng harsa tak taka mahni chauh pawha engkim huama an han kal ngat ngat mai thìn hi an fakawm thìn hle. Inbiak pawhna kawngah pawh *phone signal* thlen phâk lohna kan la nei nual bawk. Arunachal hnamin a khai khâwm chhúngah hian hnam péng hrang hrang an tam hle a, ÷awng hrang hrang leh ze hrang hrang kárah kan missionary-ten a ram mite ÷awng leh Hindi hmangin rawng an bawl a ni.

Ni 3.4.2025-a Upper Assam Mission Field hawn tharah khán Jonai Pastor Bial chu behtír a ni a, kan Field pawh a têt phah deuh. Tûnah hian Pastor Bial panga la awmin, Kohhran, Preaching Station leh Fellowship hi 64 kan awm a, kohhran member 4,034 kan awm mék. Kohhran Upa 11 awmin, thawktu - Pastor/Minister 6, Mizo Missionary 43, a ram mi 19, Kohhran leh Páwl chàwm 4, kan vaiin thawktu 72-in rawng kan bawl mék a ni.

Kan rawngbàwlinaah hian ringthar siam mai bâkah kohhran din leh sawhngheh, hruaitu thar chher chu kan tum pawimawh tak a ni a. Tûnah hian kan Field huam chhúnga mi leh sâ, Pastor thawk lai panga kan nei mék a, Pathian thu zir lai pahnih kan nei bawk. Kan rawngbàwlinaah hian Kristian *education, medical ministry, music* leh *literature ministry, craft training* bâkah kohhran enkawlina atán *Lay Training* leh *Leadership Training* kan kalpui a, ÷angkaipui hlein kan inhria.

Arunachal-ah hian *Revival Church* leh páwl dangte

an lût hmasa deuh va; Kristian nun leh rinna an kalpui dânah thlarau ze nâwi tê tê ngaihsanna nei an tam a. Thlarau sual leh ramhuai ten a la tibuai reng a; hêng bei tùr hian kan missionary-ten koh an la hlawh viau reng a, Kristian nun leh rinna kawngah kaihhruai an ùl hle. Hêng avàng hian kan Kohhran Thurin zira seminar buatsaih te, Thurin exam te kan kalpui a. Tûna puitling tawh sâte kaihhruai bâkah, rinna kawng dik leh kohhran kalphung dik an hriat zêl theih nân naupangte leh thalaite Sunday School hmanga kaihhruai an ùl hlein kan hria a. Chuvàngin, kumin January ni 14-16, 2025 chhúng khán Upa B. Lalhmunliana *Resource Person* atána hmangin Field pum pui thawktute pual *Sunday School Training* kan nei a, kan phûrin a hlâwk kan ti hle a ni. Bial hrang hrangah hman ùngkai a nih theih nân *Sunday School Sub-Committee*-in hma a la chhunzawm nghâl bawk a ni.

Kan hma lâkna tlángpuite

DIRECT EVANGELISM: Hei hi kan rawngbàwna ki pui ber a ni a. Pastor bial tinah kan missionary-ten thla tin rawngbàwla an feh chhuah dân tùr, a huho leh a mala hma lâk dân tùrte duangin thahnemngai takin an thawk chhuak thìn. Mahni chan tùr kohhran enkawl an neih bâkah *area* insemin hma an la a. *Football tournament* buatsaih te, khawlai remchànga *film* chhuah te, a ram mite hna thawhpui te, *competition* hrang hrang buatsaih te, ringtu leh ringlote in tlawh chhuah te kan hmang ùngkai hle. *Outreach* neihna hmunah hian thawktute chhúngkaw bungbàwrin kan riak chhuak thìn a, Krista rawngbàwna a nih miao avàngin hlim takin kan hlen chhuak leh thìn.

INDIRECT EVANGELISM; Tûnlai dinhmunah Chanchin Tha hril kawngah hmanraw dang hmang ùngkaia Chanchin Tha hril hi a ùl zual ta hle. Kan Field-in hun rei tak kan lo neih tawh sikul hmanga rawngbàwna kan nei ta lo va, *indirect*
www.mizoram-synod.org

evangelism-ah òan lâk kan ngai thar leh zual hle. *Indirect evangelism* kan kalpui langsārte chu:

(1) Craft Centre: Craft Centre rawngbàwlna hi kan Field din tirh àangin kan kalpui nghâl a. Hmun hnihah Craft Centre (*puan òhùi*) kan kalpui mék a. Puan òhùi zir duh ringthar leh ring lote zirlai lâk sèn lo kan nei òhìn. Tùnah hian Tato leh Pasighat khawpuiahte bul òan leh mék a ni a, *regular class* pawh kum tharah chuan òan theih beisei a ni.

(2) Media Ministry: Kan Field-ah hian Media hmangin thu ziak chhiar tùr hrang hrang buatsaih leh theh darh te, lehkhahu siam te, *documentary* leh *film ministry* te, *social media* hmanga rawngbàwlna te kalpui a ni a, a òangkaiin nasa lehzuala *media* rawngbàwlna kalpui zêl tum a ni.

(3) Medical Ministry: Kan Field-ah hian damdawi lama thawk mi pali kan nei mék a. Tùnlai khawvêl hmasâwn zêlah sawrkár pawhin hmun tinah damdawi lama thawktu a dah zêl a. Chùngte chuan kan rawngbàwlna pawh eng emaw chen pawt hniam mah se kan la òangkaipui hle a ni.

(4) Beauty Culture: Kumin àang hian Pasighat khawpuiah kan la neih ngai loh, *Beauty culture* (hmai, sam, kut, ke, etc. chei mawina) hmanga rawngbàwlna kan òan a. Kan zirlaite bàkah kan centre pantute hnêna Chanchin Tha hrilna tha tak tùr niin kan hria a, kan phûr hle mai.

Hmachhawp leh hmathlìr dangte: *Indirect evangelism* atán kumin July thla àang hian Pasighat-ah inkhelh zirna (*Football Coaching*) òan kan tum a. *Football Coaching* hmanga rawngbàwlna hi òhalaite hìp khâwm nán a òangkai dáwn hlein kan hria a, kan phûr thar hle a ni. Tin, hei bàkah hian *Music* zirna hmanga rawngbàwlna hi hmathlìrah kan

neih mék a ni. Tin, a ram mite hian puan tah lam aṅga puan leh thawmhnaw siamte an ngainat êm avàngin, *handloom* lam pawh hlawhtlinpui theih tùra ngaiin hma lâk zêl kan tum a ni.

Harsatna leh làwmna: Kan rawngbàwlna Adi hnam péng hrang hrangte hi hnam induh ve tak, mahni hnam zia leh tih dàn ngaina tak an ni a. Hnam rilru (*feeling*) avàng hian kan rawngbàwlna kawngah pawh harsatna kan tâwk lek lek fo a. Nikum tàwp lamah phei chuan kan *mission* rawngbàwlna leh kalphung ngaihtheih lohna avàngin a ram mi hmun hrang hranga kan Kohhran member ṭhenkhat intéł khâwmte beihna kan tâwk a. Thinrim takin kan Field Office-te pawh an rawn luh chilh nghe nghe a. Boruak lum leh rit tak mai nèn kan Field chhúng boruak a awm a. Mahse kum a lo thar a, theih ang angin kan thil hriat thiam lohte kan inhrilhfiah tawn zêl a. Tûnah chuan a nghawng tlém tlém la awm baw mah se, boruak muanawm tak hnuaiah Field-in rawngbàwlna kan kalpui leh ta. Hetiang kára kum lo thar chu ringthar neih kawngah pawh beisei a bo hle a. Mahse ram neih ṭhulh thei lo, Isuan hna a thawk zêl a. Kumin May thla kan lo chuankai chuan ringthar mi 30 lai kan nei ve leh ta; kum dang pha lo mah ila kan làwm tâwk a tling hle mai.

Kan Field tána sum leh pai, thâ leh zung sénga min ṭanpuitu, *work camp* hmanga Biak In min saksaktu leh, eng lai pawha min ṭawngṭaipuitu kohhranhote chungah thinlung takin làwm thu kan sawi a. Abor ramah Krista ram a zauh zêl theih nán te, missionary-ten chakna thar kan neih zêl theih nán min ṭawngṭaipui tùrin kan sáwm mawlh mawlh a che u.

Mihring mantu ni tùrin a ko che.

Man la, anin a lo tithianghlim mai ang



SERMON NI TLÂK THLENGIN

Chhiar tùr: Exodus 17:11-12

K. Malsawmtluanga, Evangelist

Bhaga, Barak Area

Mobile No: 9862314362



Thuhma: Kan in chhúng hi Mission Field a ni a, kan ram chhúng hi Mission Field a ni a, khawvêl zawng zawng hi Mission Field a ni. Lo chu khawvêl a ni. ‘Khawvêl’ kan tih hian ‘Zirna in khawvêl’ te, ‘Eizawna khawvêl’ te, ‘Politics khawvêl’ te a huam vek tih lo hre hmasa ila.

1. Indona hmuna awm kan ni: Khawvêl hi chu indona hlîrin a khat a. Chî leh chî, ram hrang leh ram hrang, sual leh ða, Pathian leh Setana indona, Ringtu leh Setana indona mualah kan awm mék a. ‘*Kan buante hi tîsâ leh thisen an ni si lo va..*’ (Eph 6:12) tih angin Pathian râlthuam famkima kan inthuam reng a ngai. Sipai chuan râlthuam kan inbel peih loh chuan hnehna chan theih a ni lo. ‘*Sipai tu mah indo laiin tân dam chhúng khaw-sakna te hian a intihnawk ngai lo va,*’ (2 Tim 2:4) tih te pawh kan kan hmu a. Hnehna túmkau chawia, Salem thar kan fan ve hma chuan kan

dam lai ni a tlâk thleingin râlthuam kan inbel a ngai tlat a ni. Râlthuam chu Pathian min pêk (Eph 6:11) aia ða kha a la chhuak chuang lo va.

Mizorama ringtute hian kan râlthuam kan inbel ða tâwk em aw?

2. Silai leh a mu: Silai tak tak leh a mu tak tak a awm chuang lo. Entírna ang deuhvin an sawi ðhìn a. Missionary-te hi silaimu chu an ni a, kohhranhote hi a silai chelhtute chu kan ni mai. Silai tel lovin a mu ringawt chu a puak thei lo va; a mu tel lovin silai ringawt chu a puak thei chuang hek lo.

Chuti a nih chuan silaimu engzât nge i kah chhuah tawh le? In chhúngkua khân silaimu engzât nge in kah chhuah tawh? Pakhat tal chu i kâp chhuak ve dâwn lo'm ni? *'Silai ka nei lo,'* i ti a nih chuan nangmah ngei kha silai chu i ni mai dâwn lo'm ni? A fawng chelhtu i nih kha aw. Pathian i hmangaih a nih chuan a seng khâwmtuah i ðan ve ngei chu a ngai a ni. Pathian thu chuan, *'Tu pawh ka lama ðang lo chu mi do a ni; tu pawh mi lâk khâwmpui lo chuan a tidarh a ni,'* (Luka 11:23) a ti si a. Lalpa tan i bán lo phar ve rawh le.

Israel-ho leh Amalek-ho indo lai khân Mosian tlângah a bán a lo phar a, Joshua leh a hoten (sipai rual) râl an do thung a. Mosian a bán a phar vêleh Israel-hote chuan an hneh ðìn a. Nimahsela, Mosia bânthe chu a lo kham ta a; tichuan, lung an han la a, a bulah chuan an dah a, chutah chuan a ðu ta a. Arona leh Hura chuan a kut chu an dawmsak tih kan hmu a. An ðan rualzia kan hmu a ni (Ex

17:12). Mosia bán a lo kham a, a kut a lâk thlâk chuan hmelmate khân an rawn hneh let zêl mai a ni. Mission hna kan thawhnaah hian hna hrang hrang, chanvo hrang hrang hi a va tam tak êm! Bawngtuthlawh vawi khat cheh ringawt pawh hi rawngbâwlna a ni a; tuisik no khat lek pêk pawh hi rawngbâwlna a ni.

Mizoramah hian harhna a thlen apiangin Ramthar lamah ringthar an pung tam ðìn a. Synod Ramthar Chanchin buah hian thla tin ringthar pun dân an tár chhuak ðìn a. Harhna thlen kuma a pun nasat chhan chu kohhranhote kan ðawngðai tam vâng a ni ngei ang. Harhna thlen loh laia ringthar an pun zêlna chhan pawh kohhranho ðawngðaisakna tho a ni. Tûnlai India rama kan hma lâk mékna an dodâl nasatzia te hi kan hre vekin a rinawm a. Ual-au tak leh langsâr taka thil tih a har-sat tawhzia te hi. Pathian Thu sawi te, Bible tract sem te, ðawngðai rawngbâwlna neih te, Biak In sak leh quarters

sak te thlengin hmun tharah phei chuan a rûk têa tih a ngai tawh. Hun khirh tak chu a lo thleng mék tawh a ni. Chuti chung pawha ringthar eng emaw zât thla tin kan la nei thei zêl mai te hi Pathian hna-thawh ropui tak tih loh rual a ni lo. Mosia aiawha kohhran-ho bán pharna rah a ni asin.

3. Ni tlâk thlengin aw: Rawngbàwna ni hi a liam têt tawh, i ning tawh em? I bán a kham tawh em ni? I hah tawh a ni maw? Ni hi suk chen lek a ni tawh (mai thei)! ‘Ni tlâk thleng’ tih hi ni lan chhúng sawina a ni ber. ‘Khawvêl tàwp hma zawng’ sawi nán pawh hmanz ila, a thelh lo vang; a fuh zâwk mah ang. ‘Hun khirh tak chu a lo thleng mék e,’ tih hla ang deuh kha a thleng tawh a; Chanchin Ṭha hril pawh a harsa tawh khawp mai. Mahse, Chanchin Ṭha hril hi Pathian ṭhahnem a ngaihna ber a ni tlat mai. Kan ram leh hnam damna ber pawh hei hi niin kan hre ve tlat. A cháng chuan kan kutte pawh hi a kham ve a, kan bante hi a

uaithla ve têt ṭhìn chu a ni. Mahse, ni a la tla rih si lo va; kâwng te kham mah se puan ven sâwi chhìn a ṭûl ve fo.

Mi ṭhenkhatin, “*Ram dang, ram dang missionary tirh chhuah tēuh tēuh hi a ṭûl em ni? Kan ramah leh khawtlângah thawh tur a tam... Chuti, khati,*” an tih thâwmte pawh kan hre ṭhìn a. Ni e, a tam lutuk ang. Missionary-ho hian kan ram leh hnam damna tur a nih dâwn chuan lo haw vek hi kan inhuam a nia; mahse, zawhna awm chu – Pathianin a pawm ang em? Lo haw ila, kan ram hi a dam phah ang em? A tlu sawp zâwk mai ang em?

Tlângkawmna: Mosia kut a lo kham khán engtin nge an tih kha? ‘Lung anrawn la a, tah chuan a ṭhu a. Arona leh Hura te chuan a kutte chu an chelh a. Ni tlâk thlengin a kut chu a awm ngaiin a awm ta tlat a,’ tih a ni baw si a. Ni lah chu a la tla rih baw si lo va; i thawk zêl phawt mai ang u.

BUH HMUN AṬANGIN PARVA I RAWNGBÀWLNA CHANCHIN

*K. Lalthanpui, Evangelist Teacher
Damparengpui, HMN
Mobile No: 7005399406*



Kum 2023 kum tàwp lama Missionary Transfer and Posting chhuakah ka hming telin, Mizoram chhim tàwp Parva I-ah Headmistress ni tùrin Pathianin kan hotute kal tlang min han dah ve leh a. Parva hi Mizoramah a awm tih rêng rêng la hre ngai lo leh a hming pawh ka hriat wawi khatna a nih avàngin *google map* aṭangin ka zawng nghâl a. Madhuripathar to Parva kawng chu a lo hla vang vang khawp mai,

Aizawl aṭanga chhuakin Bungtláng South-ah kan riak a. A tûkah niléngin kan kal leh a, tlai dár 4:00 vèlah ka thawhna hmun tùr Parva I Mision Compound kan lût thei a. Hla hi kan han ti vang vang khawp mai a. Kan thlen vèleh, ‘Mizoram pawh hi a lo zau rêng rêng- hêngte chu ram dangte pawh pèk ve mai tùr a nia,’ ka ti a, kan nui nasa mai a.

chhúnga awm a ni a. Mizoram *map* han en ila, a hnuai lam hmeichhe pheikhawk keartui sáng ang deuhva awm kha a ni a. A piah lawkah hian Mizoram khaw tàwp pakhat a la awm, a dawt leh chu Bangladesh leh Myanmar ramrî a ni tawh mai. Mizoram Chakma kuaah chuan khaw lian ve tak, in 500- 600 vèl awmna a ni a.

A hmunhma: Parva I hi Chakma kuaa bík niin, he hmunah hian rawngbàwlna kum 1987 khán ṭan a ni a. Damdep Pastor Bial niin, Home Mision South huam

Tláng leh tláng inkár ruam deuh a awm a nih avàngin nipuiah a lum hle a; thlasikah a vawt êm êm a. Feb/Mar thlaah hian zàn lamah vawt êm êm mah se chhùn lamah chuan thlan a tla

leh zawih zawih bawk si a. Boruak inthlâk danglam nasa lutuk hi taksa tân pawh ngeih a har khawp mai. A khaw pum pui hi parva lui leh tuichawng hnârin a hual a. Fùrah chuan lui a lian a, khaw pum a hual vek ùthin avàngin inkal pawh theih loha tuilianin a min dan cháng a tam hle ùthin. Thla nga aṅanga thla ruk hi lirtheia kal pawh theih loh tawp a ni, ti ila kan sawi sual àwm lo ve.

Hêng avàngte hian Damdep Pastor Bialah chuan inkhâwpui zawng zawng - KTP, Kohhran Hmeichhia, SS Naupang leh Bial te hi thál lai ruahtui tlâk hmain kan hmang vek ùthin. Hmun kilkhâwr tak, inkal pawh harsa tak a ni a; fùrah phei chuan natna chi hrang hrang a tam duh hle. Malaria, Typhoid leh rannung seh a hluar êm êm bawk. Hei tak hian kan *medical* rawngbàwl-na atán kawng a hawng thung a. Kan bul hnai khaw hrang hrang aṅangin he rawngbàwl-na chhimtu thahnem tak kan nei ùthin.

www.mizoramynod.org

An ei zawnna tlánpui chu lo lam hna a ni a. An nun hi a awlsam phian mai a; lo lamah an bungrua zawng zawng nèn an chhúngkuain an kal a, kum chanve dáwn te an awm chilh a. Buh an thar hnuah kuaah an lo haw leh ùthin. Kan kohhran mite pawh lo lama ei zawng hi a tam zâwk an nih avàng hian hêng hun chhúng hi chuan kohhran inkhâwm pawh kan tlém ùthin hle. A tlánpuiin an nun dàn a mâwl a, tân lai changkàna hian an nun a tibuai lêm lo. Kawng lehlamah chuan an awhawm phian zâwk mai. Tin, zirna an ngai pawimawh êm êm a; hei vâng pawh hian missionary-te tána hnawksak emaw, rawngbàwl-na min tibuitu emaw ka awm chhúngin ka tawng lêm lo.

Chutih rualin, a tlánpuiin an taima lêm lo niin ka hmu a. Patling pui pui niléng lénga lehkha déng, hlui hrang hrang awm khâwm hmuh tùr an tam ùthin khawp mai. Zu an in nasa a, in tinah zu an nei deuh vek a; chuti chung chuan zu rui, khawtláng tána hnawksak

hmuh tûr an tam lêm lo. Khawtláng *village council* inkaihhraina a tha a; mi hnawksak, rûk rûk ching, awm dân mawi lo an man te chu khawtlángin an chung thu an rél thìn a. Pawisa te an inchawitír thìn a; hei hian kawng tam takah khawtláng a tiral-muang.

Chakma-te hi Buddhist sakhaw zuitute an ni a. Chutih rual erawh chuan an sakhaw zui pawh hre Chiang Chuang lo, mahni tàl tàla tâl an tam viau a. Mi ina lèn pawhin ùawngtài phal lo hi chu tlém tê chauh an ni. Rawngbàwlina kawng a inhawng zau hlein ka hria. Baptisma chang duh, kan bula rawn sawi nawlh nawlh pawh an thahnem viau; mahse, baptisma chantír hi kan hmanhmawh lêm lo va. *“Rawn inkhâwm ve phawt r’u - baptisma chang lo pawhin,”* tiin kan sáwm thìn. Kristiante tána hnawksakin an awm lêm lo va; tin, kan naupang, ringlote pawh an rawn inkhâwm thìn a, an nu leh paten an dodâl lêm lo.

Parva I-ah hian kum 2009 ațanga bul țan niin, a tîrah Evangelist dahin, 2010-ah sikul rawngbàwlina hi țan a ni. Tûn dinhmunah kohhran member 136 kan nei tawh a; mahse, hêng zînga thenkhat hi chu baptisma chang, kohhrana rawn tel zui ta lo an awm nual bawk. Sikul rawngbàwlina hian hmun a luah pawimawh hle mai a. Ka luh tîrh hian Primary chauh ni mah se sikul naupang 150 dâwn an lo nei a, mak pawh ka ti hle mai. Tin, he sikul din tîrh ațanga lo lût thìn naupang, baptisma chang tate kohhran tána an țangkaizia ka hmuh hian sikul rawngbàwlina pawimawhzia min hriat thartír bawk. Zirtirtute hi Zirtawpni apiangin naupangte inah kan léng kual thìn a, ringlo inah pawh kan ùawngtài thìn.

Ka awm tîrh ațanga mak ka tih êm êm pakhat chu *Synod Mission Board-in Chakma zînga rawngbàwlina hei chen a kalpui tawh hnuah an puala Bible kan la nei miah lo hi* a ni. Kan ringtute zîngah leh ringtharte

zingah an thlarau nun châwm tûr Bible kan chhawp chhuahsak thei lo. Hei hi a veiwam khawpin ka hria. Ringtute kan infuihna nasa ber ðhìn chu Bible chhiar leh ðawngtaï a ni a. Biak Ina thu sawi an ngaihthlâk bâk an thlarau nun châwm thei tûr, anmahni mi mala Pathian an dâwr ve theihna tûr kawng kan chhawp chhuahsak thei lo hian Pathian rinna kawngah nun nghet a siam thei lo va; an sakhaw ngaia an lêt leh pahna a ni thei tlat.

Tin, *Bible tract* chungchâng ka zawhin, ‘*A ðawngkam hman te, Bible châng lâk chhuah te a dik lo nasa lutuk a, kan sem tawh lo,*’ tih hi min chhàna a ni baw k a. Hêng an sawi te hi a dik a nih chuan *Bible tract* te pawh ennawn thar leha, tihchangtlun a ngai hle mai. Bible an nei thei rih lo a nih pawhin *literature works* lamah ðan la ila. Chakma ðawng thiamten an zir theih tûrin Bible châng tâwi tê tê leh an in lama an hman theih tûr ðawngtaïna tâwi tal te hi

www.mizoramynod.org

buatsaihsak thei ila, nasa takin rawngbàwlnain hma a sâwn ngei ang.

Parva I Branch Church hi missionary-te enkawl a ni a. Kár khatah vawi thum - Inrinni zàn, Pathianni chawhma leh zànah te kan inkhâwm ðhìn. Pathianni zingah *home visit* kan nei baw k ðhìn. Beihruah inkhâwm hi kohhran in tin mai bâkah ringlo te inah te neiin, a kár lakah khawlaiah te leh mipui koh khâwm nân hmun remchângah *proramme* te kan siam ðhìn. Hetianga hun kan hmannaah hian Pathian zarah dodàlna emaw, harsatna emaw kan tâwk lêm lo. Hei vâng hian helai hmunah hian rawngbàwlna kawng a hawng zau hlein ka hria a.

Ram páwn rawngbàwlnaah Hindu firfiak páwl - RSS, VHP, Bajrang Dal, etc te ho laka him lo tak chungin rawng kan bàwl laiin kan ram chhúngah ngei zalèn taka rawng kan bàwl theihna hmunah hian hei aia nasa zâwk hian kan missionary te,

kan mission hmun te, sikul *building* leh hmunhma te thuam that lamah kohhran lian leh changtlung zâwk te hian kê han pên thei se chuan nasa takin hma kan la sâwnin ringthar tam tak hmél kan hmuh theih ka ring tlat a ni.

A hmun a hlata, kalkawng a that loh bawk avàng hian kawng tam takah hmasâwnna a thuanawp phah a. Mision hmun tlawhtu leh *work camp* dawng khát tak an lo ni thìn a. Kan thawhpui thenkhat lo awm tawhten, ***“Work Camp tùr te, Field tlawh tùr te pawhin min lo be ve thìn. A awmna kan sawi a, kalkawng kan sawi leh a; a tàwpah chuan an lo kal thei lo leh nge nge thìn,”*** an tih hian ngaihtuahna a tithui hle. Kohhran, KṚP leh páwl dang te pawh hian Ramthar hmun kan tlawh dáwn hian kan inpêkna a dal ta deuh em ni le aw? Kalna awlsam, kalkawng tha leh nuam kan thlang ta deuh zêl em ni? Missionary-ten kum tam tak natna chi hrang hrang nêna an lo awm chilh hmunah kâr

khat chu sawi loh, ni hnih ni thum pawh kal kan huphurh ta mai a nih chuan inngaihtuah chian leh kan ngai. Chuvàng chuan Parva I hmun te leh Home Mission South hmun thenkhat te hi chuan inpêkna thinlung tak tak neitu leh hrehawm pawisa lova mahni kraws pua zuitu kan mamawh zual a ni ta ber mai.

Parva ka awm chhúng rei lo têa ka tawnhriat pahnih ka han zep ve lawk ang e.

(1) Ka awm hnu rei vak lovah kan kohhran mi pawh ka la hriat tam hma hian zan khat chu inkhâwm bânah kan thawhpuiten kan member, hmun danga pasal nei damlo tlawh an rél a. A huhovin kan va tlawh a. A nau nei an zai kha a pum a ná a, eng mah a ei thei lo va. An in kan han luh chuan Menogi (damlo hming) chu chhuatah a lo mu a, a chêr êm êm mai a. Hnute tui a nei lo va, a fa pawh chu a pasal leh a nu leh pa ten an lo buaipui a. Damdawi ina han kal leh tùrin kalkawng a thui tham si, motor *hire* ngai bawk si, inenkawl lehna tùr

nèn, pawisa an neih loh avàngin chuti chuan an lo inenkawl nawk nawk tih kan han hre ta zêl a. Tawngtai rualna te kan han nei a. Damlo kan en thìn a, kan khawngaih hle mai a; mahse, an inenkawlna tùr sum tam tak kan pe thei bawk si lo.

Kan haw hma deuh chuan ina ka *Sorazo* (damlo chaw) ka hrechhuak a. Mahse a rei deuh tawh avàngin a la ei tlâk leh tlâk loh ka hre si lo a. A tûkah Lunglei office lamah kan hotuten min koh avàngin kal ka ngai bawk si a. A pasal hnênah chuan, “*Sir Tluangtea hnênah lo lam ula, a siam dân tùr ka lo hrilh dawn nia,*” ka ti a. Ina ka haw veleh ka *sorazo* chu kan la chhuak a, a lo *expire* tawh chiang mai a. Ka pe tho dáwn nge dáwn lo ka inkháp nasa hle mai a. A tàwpah chuan, “*Lalpa, he sorazo hi damlo natna khirh tak tâwk, chaw pawh ei thei tawh loten an tangkaipui thìn hle a. Tûna kan neih chhun hi a thi bawk si a; hei lo a dang eng mah pêk tùr ka nei si lo. Lei tùrin*

hmun hla tak ațanga chah a ngai bawk si. Ka pe tho ang a, a ngeih lo a nih pawhin a tána tha lo záwnga a thlen loh nán khawngaih takin min lo vènsak hrâm rawh,” tiin ka tawngtai a.

A tûkah ka zinsan ta a. Ka haw hnuah anmahni tlawhin ka kal leh mai thei lo a. A kár hnihna vêlah chuan an in lamah an chanchin ngaihvenin ka zuk léng leh a. A pasalte khuuah an lo haw tawh a. Menogi pa chuan *phone-in* min biaktír a. A pasal chuan kan inbiak vêleh, “*Miss, i thil min pêk kha a tha lutuk. Vawi khat a in hnuah hnutetui a nei a, amah pawh a tha sâwt lutuk. Pawisa kan neih vêleh Lungleiah kan kal ang,*” a lo ti a. Kan inbe zo chu a mak ka ti lutuk a, tawng mai nacháng pawh ka hre lo va, ka rilruin Pathian hnênah làwm thu ka sawi mawlh mawlh a. Chuta țang chuan Pathian thil tih theihzia leh ropuizia leh a inpuan chhuahna atána a hmanraw tlâwmzia ka hmu chiang thar hle a ni.

Kum tàwpa Damdep (a pasal te khua)-a Presbytery hmanga kan va kal pawhin ka va tlawh chhuak a. A fapa a lo lian tawh hle a, amah pawh a lo hrisel tha tawh hle mai a. Heta kan inhmuh pawh hian Sorazo tha an tihzia leh Lungleia an kal hnua a dang an lei thu te an lo la sawi zêl a. Parva an rawn zin cháng apiangin ka quarters-ah an lo léng ziah thìn a, kan inpawh phah êm êm a ni.

(2) Damdep Pastor Bialin Chhimtàwp Prebytery kan thlen dáwn avàngin leh mawhphurhna chanvo min pêk ve avàngin October thlaah Presbytery inkhâwmpui hmang tùrin kan chhuak a. Parva ațanga Damdep II hi Km 30 chauh a ni a. Fùr laiin *pick up*-in kan kal a, kalkawngah kan táng chho va. Zínga kan chhuak kha chhùn dár 12:00 vêlah kan thleng a. A hre țhangho chuan, “*In lo thleng hma hle mai,*” min ti. Inkhâwmpui a zo va, palaite an motor nèn an haw sup sup a. Keini ve chuan hawna tùr motor kan hmu zo lo va.

www.mizoramynod.org

Kawng a chhe lutuk a, tu mah an tlân duh lo. A tàwpah chuan tlâwmngaia motor kal theihna chin thleng min thlah thei tùr kan hmu hlauh mai a. A bâk chu kèa kal tùrin Pastor quarters ațangin kan chhuak a. Kan hawna hmuh chhun a ni miao mai si a; tih ngaihna awm hek lo, kèa kal chu ka huphurh êm êm mai a.

Tha (*nerve*) ná nei nasa ka ni nèn, bungrua nèna kal ka huphurh lutuk chu, “*Lalpa, kèa kal chu ka huphurh êm a ni. Kawng dang min ngaihtuahsak hrâm teh,*” tiin ka rilruin ka țawngțai mawlh mawlh mai a. Chhippui kan thleng a, kan thawktute *quarters*-ah kan lût chho va. Kan lût chiah chu a hma ni ațang leh khami chhuah zíng thleng pawha *phone*-a kan biak tlang theih loh, Pu Zautea, *tractor* neitupa, ram riak lai chu beidawn nán tiin kan bei leh a; a tlang thei ta hlauh mai a. “*Parva thleng min thlah thei ang em? Motor kalna tùr kan hmu tawh si lo,*” tiin kan țah-awh a. “*Thei e. Mahse, ram ațangin ka lo*

la haw dâwn chauh va, min nghah theih chuan,” a rawn ti hlah mai a. Kan va lâwm tak êm! Kei pheh chu ka ÷awngtâi chhanna a ni tih ka hria a, ka rilruin Pathian hnênah lâwm thu ka sawi mawlh mawlh a. Pu Zau puia tractor chuan Parva thleng hlim tak leh tuang takin kan thleng thei ta a. Khatih lai kha chuan *car* man to tak tak ai chuan Pu Zautea tractor kha ka awt ngawih ngawih zâwk mai a ni.

A tàwp berah chuan Chakma zinga rawngbâwnah chuan la tuai êm êm, sawi ve tùr pawh la nei lo tùr hian Chakma zinga rawngbâwna atâna rawtna pakhat ka han nei a. Chakma hnam hi ka chik ka chik hian, Vai kan tih mai ngai sâng hnam an ni a. Hindi thiam an chak a, an zir a; an nun dân, an ei leh in, an incheina thlengin Vaiho nèn hian an inzûl hle mai a. Mizo chu min ngai sâng lo va, Mizo ÷awng thiam pawh an tum lo. Chakma zinga

rawngbâwna hi Mashih Sangati hian kutken ta zâwk se, an hnam mil, an ngaih sànn zâwng ÷awng hmang hian bei ta ila, hma kan sâwn zâwk ang em aw tih ngaihtuahna a awm nasa. Chakma Bible kan la neih loh avàng hian Hindi Bible hi an zingah hmang ta ila, Hindi chhiar thiam leh hrethiam te tán a ÷awngkai zual dâwnin ka hre baw.

Parva I rawngbâwna hi missionary-ten theih tâwpa an enkawl leh buaipui ni mah se a bul berah chuan Chakma ÷awng thiam a pawimawh êm êm mai a. Thawktuten ÷awng an thiam thuai theih nán te pawh ÷awngtâipui an ngai hle. Tin, natna chi hrang hrang hluarna hmun a nih avàng hian thawktuten hriseina ÷a an neih a ngai hle baw. Dam loh nikhuaah, a bik takin, fûr laiin damdawi in ÷a pan tùr a hlat avàngin leh kawng a ÷at loh avàngin hriseina ÷a tak nèna rawng an bàwl theih nán kohhranhoten i ÷awngtâipui ÷hìn ang u.



CAMBODIA ZIN CHANCHIN

K. Laldawngliana
Mission Promoter, SMB
Mobile No: 7085515445



Cambodia rama kan Mission rawngbàwlna tlawh pahin South East Asia rawngbàwlna zir chang tùr leh Mission Account Audit-a, Training neihpui nghâl tùrin Rev. Dr. Rosiamliana Tochwang, Executive Secretary (ES) i/c Mission hnung zuiin ni 6 June, 2025 khán Phnom Penh panin kan chhuak a; Cambodia (Toul Kork Dormitory)-a Missionary (Warden) thawk tùr NI. Lalrinzuali kan hruai nghâl bawk a ni. Ni 7 June, 2025-ah Phnom Penh thlengin, Pastor Benjamin Lalrinmawia leh a nupui Pi Lalsangpuii te, NI. Vanlalhruaii, SMB Tent Making Missionary (Aizawl Venglai) ten min lo dawngsawng a; anni hian min lo duatin an bula awm a nuam hle a ni. Kan tih tùra kan inbuatsaihte tuang taka tiin ni 12 khán Phnom Penh chhuahsanin, ni 13-ah Aizawl kan lo thleng leh a ni. Cambodia Mission kalpui mék leh kan hun hman dàn tlánpui lo thlir thuak ila.

1. Rawngbàwlna hmun tlawhte:

(1) Toul Kork Dormitory: Toul Kork hi véng hming a ni a. Hetah hian Dormitory siamin thingtláng lam mi, hmeichhia 12, Phnom Penh-a University hrang hranga lehkha rawn zirte enkawl an ni a. Pathian thu hrilhin, Bible study-te neihpui òin an ni. Toul Kork-ah hian House church kalpui ni bawkin,

Pastor òuthmun kohhran tia a sawi ve mai theih a ni. Pathianni zànah inkhâwm òinin, mi rethei véng (Slum area)-a naupang leh an nu leh pate mi 30 ațanga 40 vèl an rawn inkhâwm òin. Sunday School kalpui a ni bawk. Kumin March thla ațang khán tlai lamah naupang òenkhath Sâp ațawng leh *music* an zirtír a, a remchàn dàn angin Pathian thu an hrilh bawk

thin. Ni 7 (Inrinni) zàn khán University zirlaite nèn kan inkhâwm ho va. Anni hnên aṭang hian Bible cháng sawi rual kan ngaithla a, Rev. Dr. Rosiamliana Tochwawngin Pathian thu leh fuihna thu ṭa tak a sawi. Ni 8 zànah kohhran inkhâwm chhim lehin, ES-in Pathian thuchah a sawi a, hun hlimawm tak kan hmang ho a ni.

(2) Chaom Chao: Chaom Chao véng (Toul Kork Dormitory aṭanga lirtheia minute 40 vêl kal)-ah Synod-in in kan luah a. Kan in luah behchhanin kohhran (*House Church*) kan nei a, sawrkárah kan in-register bawk a ni. Kan thawhpui, pastor chhúngkua leh chhúngkaw 16-in an luah a. In luahtute hi thingtláng aṭanga lo kal, thil siamna (*factory*)-a inhlawhte an ni. Pathianni chawhmaah inkhâwmpui ṭhinin, ringtua siam vek tumin hma lâk a ni. *Evangelism night* te neihpui ṭhinin, hmun khatah an ko khâwm a, Pathian thu an hrilh thin. Ringthar neihna hnâr pakhat a ni.

www.mizoramynod.org

Hêng ringtharte hian ṭhahnem an ngai thei hle mai a. An ṭhian ringlote hnênah an phâk ang tâwkin Pathian thu an lo sawi thin a ni. Ni 8 (Pathianni) chawhmaah kan va inkhâwmpui a. He kohhran hi Pastor Dareth-a te nupain an enkawl a. Pastor Dareth-a hian inkhâwm a kaihruai a, ES-in Pathian thuchah sawi-in, thu tâwi sawina hun min pe ve bawk a. A remcháng hmasaa baptisma chang tùr mi pahnih an nei a, kohhranhote an hlim hle. Kan tlawh tùr hriain kohhrante an lo inbuatsaih ve nasa a, mal zai ringawt pawh ṭum li lai kan ngaithla a ni.

(3) Siem Reap: Ni 9 (Thawh-ṭanni) khán Missionary NI. Rody Lalnunmawii Khawlh-ring tlawh tùrin Seam Reap panin Pastor hovin kan chhuak a. NI. Rody hi Khna village, Seam reap-ah awmin, a *quarters*-ah a ram mi thawktu mi pathum - NI. Soeun Pi, Pu Phan Doeun leh Pi Phen Nga te nèn min lo dawngsawng a. Tûkṭhuan tuihna tak min lo buatsaihsak

a, inkawm hona hun tha tak kan nei.

Siem Reap hi Kohhran pangngai tak (church planting) neihna hmun a ni a. Ni Rody Lalnunmawii hovin a ram mi thawktu mi pathumte nèn thahnemngai takin he hmunah hian rawngbàwl hna an kalpui a, Pastor-in thla tin tlawhin, committee a neihpui thìn. Biak In leh Tlai lam sikul (*Non formal school*) neihna hmun a ni a. Hêng bàkah hian *Child evangelism* leh thalai *music* zirtírna kalpui a ni bawk. Kohhran mumal tak, ruhrêl (structure) tha tak neia kaltír tuma hma lâk niin, hêng bàkah hian thingtláng khua - Chrey Khang Chheung-ah thla tin tum khat *Children's ministry* neiin thawktute an kal thìn.

(4) Phum Thnal: Phum Thnal hi Zíng lam sikul leh Inrinni tlai *Children's Fellowship* kalpuina hmun a ni a. Thla tin *Evangelism week* hi Phum Tavien (Ponro), Phum Thnal, Khna Thmey khuaah te an nei thìn. Ni 9-6-2025 tlai khán Phum Thnal hi kan tlawh a.

www.mizoramynod.org

Naupang, tleirâwl leh nu leh pa mi eng emaw zât lo pung khâwmin min lo hmuak a, hun hlimawm tak hmanpuiin, ES-in Pathian thu tâwi a sawi a. Inhmuh khâwm zawh hian Seam Reap Kohhran member damlo kan tlawh a, ES-in a thawnghai a, an lâwm thiamhle. Zàn lamah Ni. Rody hian zanriah tuihnai tak min buatsaihsak chu eiin, a tûkah Phnom Penh panin kan hawsan leh ta a ni.

2. South East Asia Working Committee dìn a ni: South East Asia ramah thawktu kan lo pung ve zêl a. Synod Tent Making Missionary panga-Ni. Vànlahruaii, Phnom Penh, Ni. Lalbiaksiami, Ban-tei Manchei, Pi Vànlahnemi, Singapore, Ni. Zosangpuui leh Ni. Lalsangliani, Chiangmai te kan lo nei ta a. South East Asia rawngbàwl na chak zâwk leh mumal zâwka kalpui a nih theih nán ni 10.06.2025 (Thawhlehi) zàn khán Phnom Penh-a Missionary awm ang angte *pastor quarters*-ah kal khâwmin zanriah kan kíl ho va. Hemi

zàn hian South East Asia rawngbàwlna enkawltu tùr - **South East Asia Working Committee** chu Rev. Dr. Rosiamliana Tochwawng, Executive Secretary i/c Mission kaihhruainain din a ni a, Committee hmasa ber neih zui nghâl a ni.

3. India Ambassador hmuh a ni: Cambodia-ah hian India Ambassador, Mizopa a lo awm hlauh mai a. Pu B. Vanlalvawna IFS niin, ani hi a hna a pawimawh a, hun âwl a nei tlém hle mai a. Chûng kárah chuan ni 12 chhùn dár 1:00-ah hun tháwl tha tak min siamsak a, an nupaa min lo dawngsawngin chawchhùn min lo buatsaihsak a. Mizoram Synod hma lâkna chungcháng sawi hona hun tha tak kan hmang a ni.

4. United Pastor Fellowship Hruaitute nèna inkawm hona: Cambodia rama Pastor inzawm khâwm Pawl, United Pastor Fellowship (UPF) hi Kohhran hrang hrang Independent Church/House Church enkawltu Pastor www.mizoramsynod.org

inzawm khâwmna a ni a. Kan Pastor pawh a tel ve a ni. UPF hian *School of discipleship* neiin, kohhran hruaitu chherna hmun pawimawh tak a ni.

Ni 12 tlai lamah UPF hruaitute hi *pastor quarters-ah meeting* neihpui a ni a. UPF hruaitute hian Cambodia rama Kristiante inzawm khâwm an lo tuipui hle mai a; mahse, inzawm khâwm tùr hian hma lâk dân tùr kawng an hriat loh thu leh Mizoram Synod chu hma lâk pui tùra beiseina sáng tak an neih thu an lo sawi a. Hei hi kan ES pawhin a ngai pawimawh hle a. UPF Committee-in lo réla, Mizoram Synod-a rawn thlen tùrin ruahmanna a siampui a ni.

5. Account Audit leh Training: Cambodia-ah hian Mission kalpui a nih hnu hian a remcháng angin sum hmanna en dik (*audit*) neih thìn a ni a. Tûn tumah pawh hian kum kal ta lama sum hmanna en dik a ni a; *Audit* bâkah hian *Account Training* kan neihpui nghâl a ni.

6. Cambodia Mission Ministry tlawh ațanga rilrua thil awmte:

(1) Cambodia kan han thleng chu mahni ram thleng ang maiin, kan hmél hman a lo inang tláng a. India rama kan rawngbàwlna hmun thenkhat-ah ram dang mi emaw min tih laiin South East Asia lamah chuan anmahni mi emaw min ti tlángpui a, an țăwng kan thiam loh avàngin *foreigner* kan ni tih min hria a; ‘India mi kan ni,’ kan tih pheichuan an âwih lo hle țin a ni. Kan hmélhman inanna hman țăangkaia Chanchin Țha puan darh hna nasa zâwka thawh theih a châk-awmin a phùrawm viau a ni.

(2) India ramah rawngbàwlna kalpui a harsat chhoh mék laiin South East Asia lamah rawngbàwlna a inhawng mék niin a lang a; nasa zâwka beih theih hlàn a nghahlelhawm khawp mai.

(3) Cambodia Mission rawngbàwlna atán hian sum a hautak viau mai a, a chhan chu US *Dollar* hi hman

www.mizoramynod.org

tlánglawn a ni a. India sum hlutna a lo hniam si a; chuvàngin, sum leh pai insênso a hautak viau mai a, Mizoram Synod tán pawh hma lâk chak a har viau a ni. Kohhranhote he lam hawia ke pên thei tura țăn lâk chhoh ni se a duhawm khawp mai. Missionary thawk mékte pawh hmun dang ang lo deuhva kan thuan țăat an țin viauvin a lang.

(4) Cambodia rama mipui nâwlpui hian sakhua an la tak lo viau niin a hriat a. Chuvàngin, puitling lama insâwrbing lutuk lova, naupang zînga rawngbàwlna lam thuan chak deuh deuh ni se. Hmanhmawh lutuk lova naupang lam ațanga beih hi a hlâwk viau dâwnin a lang.

(6) South East Asia rama Mizoram Synod hma lâkna chak zâwka a kal theih nân leh Missionary-te tán i țăwngțai zêl ang u.

7. Pathian malsàwmna:

(1) Kan kal hun lai kha Mizor-rama ruah sùr nasat hun lai a ni a. Kal lamah Rangvamual

aṭangin ruah a súr ṭan a; thlawh chhuah thei loh hial a hlauhthawnawm viau laiin Lengpui kan thleng chu khua a lo thiang ṭha hle a ni.

(2) Kolkata Airport aṭanga kan thawh chhuah leh hun hi zing dár 2:00 a ni a. Zàn dar 9:00-ah Airport kan pan a, ruah leh ṭêk kárah Airport kan thleng a. Kan thlawh chhuah dáwn meuh chuan ruah súr a hàn a, khua a thiang leh vek mai a ni.

(3) Cambodia hi ram lum a ni a. Kan chàm chhúngin ni sá leh lum hrehawm tuar lovin khawdur kárah ruah súr si lovin hun nuam tak kan hmang a thei a ni.

Kan zin chhúngin Pathian hruaina kan dawng nasa a; tin. Chanchin Ṭha avànga hêng rama kan rawng-bàwlna hmun tlawh theia min siamtu kan Pathian leh kan hotute leh kohhranhote chung-ah kan lâwm êm êm a ni.

Pete-a chuan thlalèrah kawng a bo va, a tui a hâlin, a chau tawh tak zet a. A tàwpah chuan khawpui rauhsan tawh hi a va thleng râwih mai a. Khawpui lai takah chuan tuichhunchhuah a awm a. Hmanhmawh takin a pump-na chuan a han pump nghâl a. Mahse tui a lo chhuak thei tlat lo. A han hawi kual a, ban pakhatan hian heti hian a lo inziak a: “Lung phènah kán búr, litre nga dawng a awm a. Chuta tui chu pump-ah chhúng lût vek ang che. Tui awm zawng zawng kha chhùn loh vek a ngai. Tichuan, i duh zât zât i pump chhuak thei ang. Khawngaihin, i kalsan dáwnah búr hi tuiin tikhat leh ang che,” tiin.

Nung ho tûra siam kan ni a. Mahni ṭanghmá chauh haia nun kan hman hian mi dangin an tuar a; chutiang bawkin mi dangten anmahni ṭanghma chauh an hai chuan kan tuar bawk a. Mi tinin mi dang kan dah pawimawh chuan nun ho a nuam ṭhìn. ‘Mahni hamṭhatna tûr chauh zawng lovin, mi dang hamṭhatna tûr pawh zawng rawh u,’ (Filipi 2:4 Lehlín Thar).

RÁL RÈL THIAM

R. Lalchhanhima

Tuikual

Mobile No: 8575013800



Pathianin mi tling lote a koh thu Bible-ah kan hmu, hetiangin: *‘Unaute u, a kohna che u hi ngaihtuah teh u, tîsa lama mi fîng tam tak te, mi chak tam tak te, mi ðha tam tak te koh an nih lohzia hi, ’* (1 Korinth 1:26) tiin.

Kei mi tling lo pawh hi a hmanruaah min hmang ve duh a. Lalpa hi a ðha a ni. Synod Mission Board kal tlangin vah loh ram ngaw vâta, thihna thim hnuaiia ðhute hnêna Chanchin ðha hmanga ènna thlentû tûra Lalpan Mizorama kohhranhote min hmang hi a va làwmawm tak êm! Chutianga SMB kal tlanga Lalpan a hmanruaa min hman venaa ka tawn hriat, kan hnunga Lalpa mi hmante pawhin an ðangkaipui beiseina avànga he thu hi rawn ziaak ka ni.

SMB-in Missionary a tirh chhuahte hi ram vah èn sâa lût, nasa taka tha thawh la ngaihna hmun leh la vah èn loh, ngaw hnuaiia lût te kan ni. Kan thawhna hmun chu

khawi pawh ni se Lal Isua sawi anga, *‘Rûl anga fîng, ðhûro anga nun nêm’* kan nih a ngai. Vah èn saa lûtte tán pawha ðangkai, la vah èn loh ngaw kára lûtte tâna hriat tûr pawimawh chu – *“Engti tûra lo kal nge?”* tih zawhna hi kan in luah ðhenawm khawvêngte rilruah a awm nghâl ngei ngei ðhin.

Chuvàngin mi in luaha kan awm chhan an hriatna tûra kan hma lâkna hmuh tûr ruahman hmasak hi a pawimawh. Chutianga hma lâkna tûr chu sawi tûr tam tak a awm nâ a, kawng hnih chauh sawi ila:

Chanchin ðha Johana ziaak Bung 3:16 keu khum nghâl hi a ðulna hmun a awm thei.

Mahse, chu ai chuan ‘**thiana siam**’ hmasak hi a pawimawh khawp mai. Chutiang atán chuan hmanraw hrang hrang a awm thei ang.

Nepal rama Chanchin Tha hril khap tlatna hmuna hma kan lâk tantirh khán Gospel Football/Volleyball Tournament kha thalaiho hip khâwm nán kan hmang a. A tha tak zet a ni. Tihdam rawngbawl na tein bul kan tan a, a tangkai vawr tàwr a ni.

Siliguri Buh hmunah khán Non-Formal Education, puitling leh naupang sáwm khâwmin kan din/siam a, a va han tangkai teh rêng êm! Chûng kan hruai khâwmte chu Sande Sikul kan neihpui nghâl a. Rev. VL Zaithanga (Fam) a lo zin tuma kan hma lâkna a hmuhin, “*Ka haw ang a, kan ti ve ngei ngei ang,*” a ti nghe nghe a ni.

Hetianga hma lâkna kan han neih chuan thenawm khaw véng leh khawtlángin keimahní a zawhna an neih chu Lal Isuan, “*Khawvel êng*

in ni e. Tláng chhîpa khaw awm chu thuhrûk theih a ni lo,” (Matthaia 5:14) tia a lo sawi ang khán thenawm leh khawtlángin min hmélhriat nghâl thìn a ni. Rev. John Sharma (Fam) khân Gospel Football Tournament lai chuan chawhlâwk apiang hian “*He Tournament hi Presbyterian Mission-in a huaihawt a ni a,*” tiin a puantír deuh reng thìn a ni. A hawnaah Rev. Lalchhuan-mawia ten a vãn vâwr zâwngin *ball* an han pêt kâng vak thìn a, kan hlim thei dar dar khawp mai.

India ram chu kan hriat theuh angin Isua pian hma pawha Bible-a lang, ‘*Lal Ahasuera a lal laiin (chu Ahasuera chu India atanga Ethiopia thlenga ram then za leh sawmhnih leh pasarih chungalal a ni aa) heti hi a ni a,*’ tih kan hmu (Estheri 1:1). Keini, tláng mi, mit tlángkàwm nei lo, chàwn pìng ling leng te hi chu mi an ngai nêp khawp mai. An ui vulh lai ai pawha an ngaih sán loh kan ni. Chuvàngin, kan

rawngbàwl hma lâknaah hian râl rèl thiam a ngaiin fimkhur a ngai tak zet a ni.

Sawi tùr tam hle mah se, i duh tâwk rih phawt mai ang

khai. 'Tu nge kan nih? Engti tùra awm nge kan nih?' tih hi miten hriat an duh thìn.

Lalpan a kohhran leh missionary rawngbàwlna malsàwm zêl rawh se.

Rome lal ram zau tak chhúngah khán Rhode thliarkar a tel a. Rom sorkar laipui òanpuina an mamawh hle mai. Mi fing tak pakhat hian Rom lal ber hnênah chuan Rom sorkar tána an òangkai òhinzia sawia òanpuina díl tùrin a lo fuih a.

Mahse, anniho chu an lo fing zâwk daih mai. Rom lal ber hnênah chuan tùn hma àngana an chungá Rom sawrkar òhatzia te, a tuam hlàwm nasat òhinzia te sawiin, tùna an mamawh-naah pawh òanpui ngaite hawisan ngai lotu chuan an òanpui leh ngei an beisei thu an sawi ta a. **An hlawhtling chiang hle.**



Keini pawh hi Pathian tána kan òangkai êm avànga a malsàwmna díl ngam tùr kan ni lo. A ngilneihna leh a lainatna te avàng chauhva a khawngaihna díl thei kan ni.

Aw Pathian, *i ngilneih êm avângin mi khawngaih la; I lainatna nasat avângin ka bawhchiatnate hi thai*
[bo vang che.

*Ka khawlohnate hi mi sil faisak var la,
Ka sual hi mi tlen faisak ang che (Sam 51:1,2).*

RAMTHAR FEH

1.

1. **Field hming** : Home Mission South
 2. **Khua** : Tuichawngtláng
 3. **Thawh hun** : Ni 28.4.2025-2.5.2025
 4. **Tlawhtu** : Leitan Kohhran
 5. **Kal zât** : Mipa – 24; Hmeichhia - 9
 6. **Tlawh chhan** : Work Camp
 7. **Hnathawh** : *Step* siam, Biak In tual *concrete* chhùn, maichàm, *lectern*, khuang hùнна leh *keyboard* hùнна, etc. siam

8. **Sum hman zât** : ₹ 2,87,080

9. **Kalkawng leh hnathawh**: Ramthar Committee-in Kohhran Committee kal tlanga *Project* a neih tihlawhtling tùrin ni 28 (Thawhtanni) zíng dár 4:30-ah Biak In lamah inngâk khâwmin, Bialtu Pastor, Rev. J.H. Zaikiman ÷awngtaia min thlah a. Tichuan, dár 5:00-ah Bus pakhat leh car paliin kan kal a. Hnahthialah tûkthuan kan ei hnuin tuang taka kal zêlin, zàn dár 7:15-ah Tuichawngtláng chu kan thleng ta a. Thawktu awm chhun, Pu Ralthanzuala, Evangelist (SMB) te chhúngkua leh tualchhúng kohhran ÷halai tlâwmngaiten zanriah min lo buatsaihsak chu hlim takin kan kíl tláng a. Kan bungrua te kan inhlàn thlâk fel hnuin kan riahna hmun tùrte siam felin, hmeichheho zawng thawktu *quarters* lamah riakin, mipaho chu Sunday School-ah leh Biak In lamah te kan riak a ni.

Ni 29 (Thawhlehi) zíng kan lo thleng a. Kan chàm theih hun chhúng leh kan hun neih a tam loh hre reng chungin kan Upaten hnathawh dàn tùr fel takin an han sem a. Mahni bûrna lam ÷euhvah ÷ahnemngai taka thawkin hun kan hmang a. Tichuan, ni thum chhúng zíng kár aṅanga zàn hun thlenga ÷ahnemngai taka kan thawh hnu chuan kan lo ruahhman lâwk aia tam zâwk kan thawk ta hial a, kan lâwm tak zet a ni.

Kan *step* siam te, Biak In tual *concrete* chhùn te,

pulpit, maichàm, *lectern*, khuang hùna leh *keyboard* hùna te rawng kan kah avàngin Nilai zàn inkhâwm pawh kan nei thei ta lo. Ningani zàn erawh a tûk Zirtawpni zíngah haw kan tum avàngin inthlahna inkhâwm neiin hun kan hman a. Upa Lianhrima, Ramthar Committee Chairman hnên aţangin thuchah ropui tak kan ngaithla a ni.

10. Làwmawm lam: Kumin kan *work camp* kal dàn hi a ropui ka tih êm avàngin ‘*World Record Work Camp*’ ka vuah hial a ni. A chhante chu: Kohhran Upa paliin min ho thei a. Kohhran Hmeichhe Chairman, KPP Chairman, Kohhran Secretary leh Bialtu Pastor nupui ten min ho va. Chu mai bâkah Upate hi nupa tuak hnih an kal thei bawk a ni.

Kan Work Camp chhúng zawng hian kan thawktute chhúngkua leh tualchhúng Kohhran Upate bâkah naupang eng emaw zâtin min tawiwâwm tuan zak thei a, chawhluh kan kíl ho thei reng bawk a ni. Kan hnathawh chhúng hian inhliam leh intihnat awm lovin hlim tak leh inpawh tláng takin hun kan hman thei hi a hluin làwmawm kan ti tak zet a ni.

Ni 2 (Zirtawpni) zíng dár 5:00-ah Upa Lalramliana Ralte-in Pathian hnêna tawngtaina a neih zawhin Aizawl lam panin tuang takin kan rawn haw a. Kalkawngah ruah nasa tak súr kárah him takin zàn dár 9:30-ah Aizawl kan thleng leh ta a ni.

11. Report tûl dangte: Tuichawngtláng hi Home Mission South Vaţhuampui Pastor Bial chhúnga awm niin, Aizawl aţanga Km 400 vèl zeta hlaa awm a ni. Tuichawngtláng kuaah chuan in 200 vèl zet awmin, ‘Bru’ hnam an chêng a. Kohhran hrang hrang panga lai an awm. An Kohhran dinmun chu - In 28 vèl, kohhran member 170, DZK 95, Kohhran Upa 3, T. Upa 2 leh Pu Ralthanzuala te chhúngkua an ni. Theih ni se, kan Synod Mission Board kal tlanga School neih a duhpuiawm hle mai.

R. Vanlalţana, Ramthar Ziaktu

2.

1. **Field hming** : Home Mission South
2. **Khua** : Tuidangchhuah
3. **Tlawh hun** : Ni 19 – 24 May, 2025
4. **Tlawhtu** : Serchhip Hmar Veng Kohhran
5. **Kal zât** : Mi – 12
6. **Tlawh chhan** : Hnathawh
7. **Hnathawh** : Biak In sak chhunzawm

8. Làwmawm lam: Ni 19 (Thawhtanni) záng dár 6:30-ah Upa H. Vanlalhruaia, Kohhran Committee Chairman-in-ṭawngṭaiin min thlah hnuah Pick up pakhat leh Sumo pakhata chuangin Work Camp-na hmun tùr panin Hmar Veng Kohhran Biak In kawt aṭangin kan chhuak a. Tlai dár 5:00-ah kan thawhna hmun tùr Tuidangchhuah chu dam takin kan thleng. Tùn ṭumah hian kan Kohhran enkawl lai, Tuidangchhuaha kan Kohhran Biak In sak lai, hna la zawh loh chhunzawm tùra kal kan ni.

Kan thlen tûk aṭangin hna kan thawk ṭan a. Khaw lum tak hnuaiyah tuang taka thawkin kan hnathawh tùra ruahman, Biak In zauhna chhuat leh bang plaster, electric wiring leh ceiling te thawkin, kan thawh tùr anga kan ruahman hi Pathian zarah kan thawk zo thei a. Ni 23 May, 2025 zing dár 6:30-ah Missionary Teacher, R.Vanlalnunparin ṭawngṭaia min thlahin dam takin tlai dár 5:30-ah kohhranhoten min lo hmuahna Hmar Veng Kohhran Biak In kan thleng leh a ni.

Work Camp kan neih chhúngin Kohhran mipuite min ṭawwàwmna leh ṭawngṭaisaknaah làwm thu kan sawi tak meuh meuh a ni.

Upa P.C. Lianhnuna

SMB PROJECT LIST 2025 CHHÁNGTUTE*(Chhonzawmna)*

- | | | |
|--|------------|------------------|
| 27. Chaltlang South Kohhran | 10.03.2025 | 1,50,000 |
| <i>Arunachal North - Boleng Bial Pangin Kohhran Biak In sakna</i> | | |
| 28. Chanmari Kohhran | 11.03.2025 | 1,60,000 |
| <i>Arunachal West - Naharlagun B/C SS hall sak chhonzawmna</i> | | |
| 29. Upper Republic Kohhran | 14.03.2025 | 3,90,000 |
| <i>Calcutta - Basirhat Bial Huap Crusade neih nán 60,000</i> | | |
| <i>Jharkhand - Sagberia Biak In hungna 60,000</i> | | |
| <i>Arunachal N - Bilat Biak In sak chhonzawmna 2,00,000</i> | | |
| <i>Tato Bial - Karo SS Hall chhonzawmna 80,000</i> | | |
| 30. Dinthar Kohhran | 17.03.2025 | 10,00,000 |
| <i>Barak Area - Sonapur Biak In Panna step siamna 50,000</i> | | |
| <i>Cachar Tlangram - Gharmura SS Hall sakna 3,00,000</i> | | |
| <i>Karbi Anglong - Dongkamukam PS Biak In sak chhonzawmna 1,50,000</i> | | |
| <i>Karbi Anglong - Lang Amek Sound System leina 50,000</i> | | |
| <i>Karbi Anglong - Upper Dillai Biak In sakna 1,00,000</i> | | |
| <i>Siliguri - Potong Biak In sak zawhna 1,00,000</i> | | |
| <i>Karbi Anglong - Lower Soureni Biak In fencing 2,50,000</i> | | |
| 31. Pu Lalthansanga-te chhúng, Zarkawt | 21.03.2025 | 2,00,000 |
| <i>Arunachal E - Singmao Biak In sak chhonzawmna 1,50,000</i> | | |
| <i>Arunachal E - Housing Biak In chung thlákna 50,000</i> | | |
| 32. Chhinga Veng South Kohhran | 24.03.2025 | 50,000 |
| <i>HM 'S' - Kalapani Fellowship Compound Fencing-na atán</i> | | |
| 33. Chhinga Veng Kohhran | 24.03.2025 | 6,00,000 |
| <i>Arunachal N - Malbhog Biak In hmun leina 1,50,000</i> | | |
| <i>HM 'N' - New Eden Biak In Vestry sakna 1,50,000</i> | | |
| <i>Karbi Anglong - Rongklarbong Biak In sakna 1,50,000</i> | | |
| <i>Calcutta Field - Subasgram Biak In sakna 1,50,000</i> | | |
| 34. Vaivakawn Vengthlang Kohhran | 25.03.2025 | 50,000 |
| <i>Karbi Anglong - Rongpirbi Kohhran SS Hall sakna</i> | | |
| 35. Kawkulh Bial Koh Hmeichhia | 25.03.2025 | 5,000 |
| <i>A tûl apianga hman atán</i> | | |
| 36. Dr. Joseph Lalluaia & Family, Tuikhuahtlang | 28.03.2025 | 50,000 |
| <i>HM 'S' - Old Khojoysury Fellowship Compound Fencing nán</i> | | |
| 37. Electric Veng Bial Koh Hmeichhia | 31.03.2025 | 1,00,000 |
| <i>HM 'S' - Siminasora Kohhran Biak In thuthleng siamna atán</i> | | |
| 38. Mission Veng Kohhran | 03.04.2025 | 2,00,000 |
| <i>Odisha - Gilakutta Biak In sakna</i> | | |

July 2025	Ramthar	34
39. Darlawn Kohhran	03.04.2025	90,000
Calcutta - Mathurapur Biak In tualzawl siamna		
40. Ramhlun North Bial Pavalai Pawl	07.04.2025	30,000
Calcutta - Dhaniakhali Kohhran PA Set		
41. Melriat Kohhran Ramthar Comt.	07.04.2025	70,000
Arunachal East - Hawaii Biak In ram hungna		
42. Zonuam East Kohhran	08.04.2025	50,000
Karbi Anglong - Luchinlangso Biak In sakna		
43. Zemabawk Kawnveng Kohhran	08.04.2025	2,00,000
HM 'S' - Chawngte L Kohhran Biak In thuthleng siamna atán		
44. Saron Veng Kohhran	14.04.2025	3,60,000
Karbi Anglong - Upper Dikrong SS Hall chhunzawmna 1,00,000		
Assam - Nagadhera Biak in chung khuhna 2,00,000		
Barak Area - Boalia Biak in Celing siamna 60,000		
45. Pi Lalhlanthari, Ramthar Veng	14.4.2025	50,000
Barak Area - Dholaichera Compound toilet siam nán		
46. Tuikual Kohhran	14.4.2025	1,00,000
Barak Area - Salepur Biak in tui boring siamna		
47. Dawrpui Kohhran RT (Sa ei ai)	15.4.2025	83,280
Karbi Anglong - Siloam leh Longparpan-a Direct Evangelism		
48. Dawrpui Kohhran Pavalai Pawl	15.4.2025	50,000
Barak Area - K. Mohanpur Mission Compound Fencing		
49. Ruantlang Bial Koh Hmeichhia	15.4.2025	25,000
Calcutta - Kulpi Bial Keyboard hman tûr leina		
50. Zarkawt Kohhran	16.4.2025	17,10,000
Aru East - Miao Kohhran Biak In sakna 3,00,000		
Cachar Tlangram - Halampunjee SS Building 80,000		
Cachar Tlangram - Bethel Fellowship Tuizem 1,00,000		
Jharkhand - Dhaka Biak In chung repair 2,50,000		
Karbi Anglong - Rongsoipi Biak In sak chhunzawm 1,50,000		
Karbi Anglong - Bethel Biak In sak chhuzawmna 2,50,000		
Calcutta - Kolkata Christmas Festival hmanna 80,000		
Nepal - Hetauda Biak ram hungna 2,00,000		
Odisha - Gilakutta Biak In sakna 3,00,000		
51. Tuikhuahtlang Kohhran	22.04.2025	3,00,000
Upper Assam - Dibregarh Bial chhúnga thlanmual leina tûr		
52. College Veng Kohhran, Aizawl	22.04.2025	1,00,000
Cachar Tlangram - Ramchandi Kohhran Biak In Ceiling siam nán		

[Chhunzawm zêl tûr...]

PUN BELHNA 2025

Sl. No.	FIELD	HAWN KUM	JAN-MAY
I. HOME MISSION			
1	Home Mission North	1949	21
2	Home Mission South	1987	32
3	Masihi Sangati	1979	1,448
4	Cachar Tlangram	2023	28
II. NORTH EAST REGION			
1	Arunachal & Assam Mission Field 'E'	1991	23
2	Arunachal & Assam Mission Field 'N'	2016	22
3	Arunachal & Assam Mission Field 'W'	2001	41
4	Assam Mission Field	2008	33
5	Barak Area	1975	24
6	Karbi Anglong Mission Field	1989	76
7	Tripura Mission Field	1986	613
8	Upper Assam Mission Field	2025	10
III. CENTRAL REGION			
1	Calcutta Mission Field	1988	337
2	Delhi Mission Field	1988	65
3	Jharkhand Mission Field	2008	170
4	Lucknow Mission Field	1999	5
5	Odisha Mission Field	2016	42
6	Patna Mission Field	1999	121
7	Siliguri Mission Field	1988	47
IV. RAM PAWN			
1	Cambodia	2010	5
2	Nepal Mission Field	2000	80
BELH KHAWM			3,243

RAMTHAR MAN PÊK DÁN



Bank Transfer hmanga pe duh tán a hnuaiá Account Number tár lanah hian a pêk theih bawk e.

Account Holder : SYNOD RAMTHAR
Account No : 10665621086
IFSC : SBIN0007058
Bank : State Bank of India
Branch : Mission Veng

Ramthar man pete chuan an pêk veleh
WhatsApp No. **8974694225**-ah inhriatfír ni se.

MISSIONARY, B. ED. (2023-2025) & (2024-2026) BATCH



Thu : Lalnunmawii, P.C. Parvulluait, Lalnuankimi Hauhnar, Lalringgheti Colney,
 R. Lalruatdiki, Zosangpuui Khiangte, ST.Nghaki, R. Lalrinnungi

Ding 1 : R. Vanlalsawmii, Lalitanzovi, G. Lalduhawmi, C. Lahmingsangi,
 V. Laitlanmawii, Vanlailzaui, Lalnithangi, Lalnunfeli Ralte, Lalnunziri Colney

Ding 2 : Lalremsanga, R. Lalbuatsaiha, Lalnuanhlui, R. Lalramzaui, K. Lalntanhangi,
 Lalrawngbawli Fanai, J. Saidingliana Sailo, Obadia Vanramnghaka

If not delivered please return to:
 The Manager
 Ramthar Chanchinbu
 Synod Office, Aizawl, Mizoram
 India. Pin-796001

To,
